

Na temelju članka 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine", broj: 35/05) a u svezi sa člankom 13. stavak (2) Zakona o šumama („Službene novine Tuzlanskog kantona", br. 9/12 i 17/13), ministar poljoprivrede, šumarstva i vodoprivrede u Vladi Tuzlanskog kantona, donosi

P R A V I L N I K
O OBIMU MJERA O USPOSTAVLJANJU I ODRŽAVANJU ŠUMSKOG REDA I NAČIN NJIHOVOG
PROVOĐENJA

Članak 1.

(1) Ovim pravilnikom regulira se sprovođenje i trajno održavanje šumskog reda u svim šumama na području Tuzlanskog kantona.

(2) Pod šumskim redom podrazumijeva se sprovođenje mjera u cilju sprječavanja pojava požara, štetnih insekata i biljnih bolesti, sprječavanja štetnog dejstva vjetra, snijega i drugih elementarnih nepogoda, oštećivanja stabala prilikom sječe i izvoza šumskih drvnih sortimenata, kao i mjere za zaštitu podmlatka i zemljišta.

Članak 2.

U šumi, na šumskom zemljištu i u neposrednoj blizini do 100 m od ruba šume, zabranjeno je odlaganje i paljenje smeća, piljevine i pilanskih otpadaka, kao i drugih otpadaka ili zagađujućih tvari.

Članak 3.

(1) Sva živa, a zaražena i insektima napadnuta, veoma oštećena ili izvaljena stabla (sanitarni užici), moraju se posjeći i izraditi.

(2) Sječu i izradu sanitarnih užitaka nastalih u tijeku zime treba izvršiti najkasnije do 30. travnja tekuće godine, a sječu i izradu sanitarnih užitaka nastalih poslije navedenog perioda, izvršiti do kraja tekuće godine.

Članak 4.

(1) Prilikom sječe, stabla se moraju obarati u onom smjeru gdje će pričiniti najmanje štete na podmlatku, susjednim stablima i zemljištu.

(2) Na strmim terenima, stabla se moraju obarati uzbrdo osim kada to nije moguće zbog položaja ili rasporeda dubećih stabala.

(3) Pravac obaranja stabala iz stavka (2) ovog članka, doznačar je dužan obilježiti strelicom.

(4) Prije sječe stabala koja se nalaze u mladici, obvezno je kresanje grana sa donjih dijelova krošnje.

Članak 5.

(1) Koranje oblovinne i panjeva posječenih stabala četinarica i brijesta obvezno je u vremenu od 1. travnja do 1. studenog tekuće godine.

(2) Granje i ovršci (prečnik debljeg kraja ispod 7 cm) kao i kora četinarica moraju se složiti u gomile-gromade, tako da se deblji krajevi grana okreću unutar gomile-gromade.

(3) Zabranjeno je formiranje gomila-gromada na mjestima gdje postoji podmladak, uz živa dubeća stabla, u vodotocima, iznad izvorišta vode i na udaljenosti manjoj od 10 m od prometnica.

(4) Granje i ovršci (prečnik debljeg kraja ispod 7 cm) lišćara moraju se skratiti na dužine do jednog metra i ravnomijerno razbacati po sječini, vodeći računa o podmlatku, vodotocima i izvorištima vode.

Članak 6.

Zabranjeno je saganje prostornog drveta uz živa, dubeća stabla i na mjestima gdje postoji podmladak, u vodotocima i iznad izvorišta vode.

Članak 7.

(1) Visina panja može iznositi najviše jednu trećinu promjera panja.

(2) Mjerenje visine panja na strmom terenu se vrši sa gornje strane panja-terena.

(3) Dijelovi pojedinih stabala od kojih se ne mogu izraditi šumski drveni sortimenti, prerezuju se na nekoliko dijelova i osiguravaju od pomjeranja, a kod četinarica i brijesta obvezno se vrši skidanje kore.

Članak 8.

Prilikom sječe i izrade šumskih drvnih sortimenata motornim pilama, dozvoljena je uporaba samo ekološki prihvatljivih, biorazgradljivih ulja i maziva.

Članak 9.

(1) Izvoz šumskih drvnih sortimenata od panja do šumskog stovarišta mora se vršiti po prethodno obilježenim i izgrađenim izvoznim vlakama.

"Službene novine TK", broj: 06/14

(2) Zabranjeno je sa sredstvima za izvoz šumskih drvnih sortimenata silaziti sa obilježenih izvoznih vlaka.

(3) Izvozne vlake moraju biti projektirane i izgrađene tako da se nikako ili minimalno oštećuju dubeća stabla, podmladak ili zemljište.

(4) Na strmim i teškim terenima, gdje ne postoji mogućnost drugačijeg kretanja drveta izuzev tumbanja i lifranja, moraju se poduzeti odgovarajuće mjere u cilju zaštite dubećih stabala i podmlatka.

(5) Lagerovanje oblovine i cijepanih sortimenata dozvoljeno je samo na mjestima predviđenim projektima za izvođenje radova u eksploataciji šuma.

(6) Nakon završetka radova na izvozu šumskih drvnih sortimenata iz odjela, izvođač je dužan sanirati izvozne vlake.

Članak 10.

(1) Primanje šumskih drvnih sortimenata u sječi može se vršiti tek nakon uspostavljanja šumskog reda sukladno člancima 3., 4., 5., 6. i 7. ovog pravilnika.

(2) Eventualno poremećen šumski red izvozom šumskih drvnih sortimenata mora se ponovno uspostaviti i trajno održavati.

Članak 11.

Ovaj pravilnik stupa na snagu danom donošenja, a bit će objavljen u „Službenim novinama Tuzlanskog kantona“.

Bosna i Hercegovina MINISTAR Samid Šarac, dipl.ing.agr., v.r.

- Federacija Bosne i Hercegovine –

TUZLANSKI KANTON

Ministarstvo poljoprivrede, šumarstva i vodoprivrede

Broj: 04/1-26-7486/14 Tuzla, 02.04.2014. godine